



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Reverendi Dom. D.|| Leonardi || Rvbeni SS. Theolo-||giae
Licentiati Abbatis || Ordinis D. Benedicti Mo-||nasterij
Sanctorum Apostolorum Petri & || Pauli Abdinckouensis,
in ciuitate || ...**

Ruben, Leonhard

Padibornae, 600 [i.e. 1600]

VD16 R 3400

Cap. XXVI. Falsos prophetas esse similes perdicibus, porcis & suibus, ranis
& muribus, serpentib[us & scorpionibus], & vulpibus.

[urn:nbn:de:bvb:12-bsb10194563-1](https://nbn-resolving.org/urn:nbn:de:bvb:12-bsb10194563-1)

CAPVT XXVI.

FALSOS PROPHETAS
esse similes perdicibus, porcis &
fuiibus, ranis & muribus, serpen-
tibus & scorpionibus, &
vulpibus.

*ii. perdi-
cib^o sunt
similes.* **S**ECVNDVM in hoc capite est, perdicibus
similes esse falsos prophetas, de his enim
dicitur id Ieremiæ 17. II. *Perdix fouit que
non peperit, fecit diuitias & non in iudicio: in
dimidio dierum suorum derelinquet eas, & in
nonissimo suo erit insipiens.* Sic pseudopro-
phetæ, qui vt post veros prophetas veni-
unt, fouent Christianos malos à bonis pro-
phetis educatos vt faciant diuitias, agant
prædas & rapinas, vt diximus, non in iudi-
cio, sicut & illorum inscitiam explicauim-
us: sic & eos perdicibus & Diabolo comparat
D. Ambrosius lib. 7. epistolarum epist. 48.
*eo quod sit plenus dolo, fraude, fallacia, & scias
vias venatoris decipiendi, quod pateat multo-
rum libidini, aliena oua diripiat & foueat, par-
uus etiam alienos studeat acquirere. Cornices
verò vicissim fetum suum à perdicibus mira
arte.*

arte auocare ad similitudinem Christi, qui nos eripuit à potestate diaboli, quem stultum tandem spoliabit.

Secundò sunt similes porcis & suibus, idque varijs nominibus. Primò quia immundum est animal, eò quòd licet vngulam diuidat, non tamen ruminet, vt est Leuitici ii. 8. Deut. 14. 8. ita falsi prophetæ in concupiscentia immunditiæ ambulat 2. Pet. 2. 10. dominationem contemnant. Secundò est voracissimum animal vt etiam de gula eorum capite 14. docuimus. Tertium est, quòd vix erigat caput, adeo terrenis rebus adhærescit: sic falsi prophetæ nec se, nec suos ad diuinas res erigunt, sed cum impijs Psal. 16. 11. *oculos suos statuerunt declinare in terram.* Est enim illorum sapientia tota carnalis, terrena, animalis, diabolica, vt loquitur D. Iacob. quorum cor tantum fertur ad carnis desideria, similes duobus illis senibus iudicibus Dan. 13. à quibus egressa est iniquitas. Hi, vt est v. 8. *videntes Susannã exarserunt in concupiscentiam eius & euerterunt sensum suum, & declinauerunt oculos suos ne viderent calum, neq; recordarentur iudiciorum iustorum.* Erant ergo ambo vulnerati amore eius. Similia multa de nostris falsis prophetis patent

ex supe-

2. porcis
& suibus
similes in
sex.

2.

3.

& superiori capite 17. Quartò vescitur eis
 his sordidissimis. Hinc Iob capit. 30. Ege-
 state & fame steriles, qui rodebant in solitudi-
 ne squalentes calamitate & miseria. Et man-
 debant herbas, & arborum cortices, & radix
 4. ianiperorum erat cibus illorum. Sic qui apud
 nos delitijs spiritualibus enutriti fuerunt,
 sordes sectantur: vt filius prodigus Luc. 15.
 filiquas porcorum famis necessitate pres-
 tus, frustra expetijt, vt verè propter hos in
 Lamentationibus suis dicat Ier. cap. 4. 5.
 5. *Qui nutriebantur in croceis, amplexati sunt
 stercorea.* Hinc etiam post mortem iuxta
 vaticinium Isaia 5. 25. *erunt morticina eo-
 rum quasi stercus in medio platearum.* Quin-
 tò, in delicijs habet, iterum luto etsi totus
 sit lotus, inuolui. *Contingit enim illis, inquit
 D. Petrus 2. Pet. 2. 21. id prouerby, Prouer.
 26. 12. canis reuersus ad suum vomitum, & sis
 lota in volutabro luti. Melius enim erat illis,
 vt ibidem dicit S. Petrus, non cognoscere viam
 iustitie, quam post agnitionē retrorsum conuer-
 ti ab eo, quod illis traditū est sancto mandato.*

6. Sextò contemptores sunt rerum pre-
 tiosarum, si enim margaritam aliquam
 pretiosam inueniāt, eam nihili faciunt: sic
 multi vel verbum Dei negligunt vel per-
 uertunt & quasi conculcant pedibus pra-
 uorum

uorum suorum affectuum. Vnde Christus Matth. 7. *Nolite sanctum dare canibus, neq; mittatis margaritas vestras ante porcos, ne forte conculcent eas pedibus suis, & conuersi dirumpant vos.* Hinc D. Paulus 1. Cor. 2. *Animalis homo non percipit ea quæ sunt spiritus Dei, stultitia enim est illi nec potest intelligere.* Hinc Eccles. 21. *Verbum sapiens quodcumq; audiet sciens laudabit & ad se alliciet: audivit luxuriosus & displicebit illi, & proiciet illud post dorsum suum.* Vide plura de his porcis capite superiori 14. vbi de illorum ingluvie egimus.

Tertiò, ranis sunt similes & muscis. Est enim rana hieroglyphicum hæreticorum apud beatum Eucherium, eò quòd in cœno vilissimorum sensuum commorentur, & noua tantum garrulitate coaxare non desinant. Vide de hac re Pierij Valeriani Bellianensis hieroglyphicon lib. 29. Est venenosum animal. hoc animali Deus maximè afflixit Pharaonem & Aegyptios prohibentes filios Israel sacrificare Domino Hinc Dominus ad Moysen Exodi 8. 1. *Ingredere ad Pharaonem, & dices ad eum. Hæc dicit Dominus, Dimitte populum meum ut sacrificet mihi: si autem nolueris dimittere, ecce ego percutiam omnes terminos tuos ranis & cas.*

3. Ranis
similes.

& cat. Sic David Psalm. 77. v. 44. *Conuer-
 tit in sanguinè flumina eorū, & umbres eorum
 ne biberent, Misit in eos Cynomyiam, & comedit
 eos: & ranam & disperdidit eos.* Et clariùs de
 ranis psal. 104. 30. *Dedit terra eorum ranas
 in penetrabilibus regum ipsorum. Dixit & ve-
 nit Cynomyia, & cinifes in omnibus finibus
 eorum.* Vide etiam Sapientia 19. 10. *Cyno-
 myiam vocat Moyses Exod. 8. 24.* muscam
 grauissimā. Grauari enim sunt muscis hæ-
 retici, qui siue viuæ, siue mortuæ perdunt
 Ecclesiastæ 10. 1. suauitatem vnguenti E-
 uangelici, Est enim animal id inquietissi-
 mum & sibi & alijs, nulliusq; dignitatis &
 auctoritatis habet rationem, sicut superius
 capite 8. probauimus Lutherum tan-
 tum fuisse criminatorem, vt nulli potesta-
 ti vel seculari vel Ecclesiasticæ calumni-
 ando pepercerit. Verùm de his muscis lege
 D. Augustinum epist. 119. ad Ianuarium
 data. Sed ad rem redeundo, non tantùm
 Dominus ranis percussit terram Aegypti,
 sed nouissimis his temporibus cedunt
 etiam in certam vindictam improborum
 hinc Apoc. 16. 13. inquit S. Ioannes. *Vidi
 de ore draconis, & de ore bestia, & de ore pseu-
 doprophetæ exire spiritus tres immūdos in mo-
 dum ranarum. Sunt enim spiritus Damoni-
 orum*

rum facientes signa, & procedunt ad reges totius terra congregare illos in praelium ad diem magnam omnipotentis Dei. Rana imbellis est animal & multiloquax, vocem & strepitum edit maiorē, quā corpore valeat inquit sed viribus caret: ita si spiritus immundi & falsorum prophetarū magnum quidē strepitum edunt, & multos ad arma concitant, vt fecisse Lutherum & suos docuimus, verū omnis armorum & armatorum conatus tandem in nihilum vt sequentia in Apocalypsi docent, recident. De signis & portentis eorum diximus cap. 15.

Quartum est in hoc capite, quod sint similes serpentibus. Est enim serpens primò fugitiuum animal quod maximè se in fugam conijcit, ad quod alludens Saluator Matth. 23. 33. loquens Scribis & Pharisæis. *Serpentes, inquit, genimina viperarum, quomodo fugietis a iudicio gehenne?* Sic nostri temporis pseudoprophetæ non ferentes disciplinam Monasticam aut religiosam, qua se maiores nostri sanctissimi ad nouissimum iudicij diem præparabant, transfugæ & apostatæ facti sunt. Secundò caro eius frigida est: sic per illos refrigescit charitas multorum. Tertiò timet nudum, nam veilitum libentius aggreditur: sic hi nudos

4 similes
serpenti-
b^o in quin-
decim.

1.

2.

3.

Ee

& pau-

& pauperes spiritu, qui abiectis rebus terrenis nudi nudum Christum sequuntur; extimescunt: ditiores aggrediuntur, & illos mirantur turpis quæstus causa, vt diximus cap. 7. Quartò non rectis graditur vestigijs, sed tortuosis gradibus per pectus serpit: sic rectam diuinorum mādatorum semitam non ingrediuntur, idq; ex diuina maledictione. Quintò terra & puluere vescitur. Hinc Hui. 65. 25. *Serpenti puluis panis.* Et diuina maledictio præcedentem & hanc maledictionem complectens Gen. cap. 3. 14. ait Dominus Deus ad serpentem. *Quia fecisti hoc, maledictus es inter omnia animantia & bestias terræ; super pectus tuum gradieris & terram comedes cunctis diebus vitæ tuæ.* Vnde & Michæas inquit Mich. 7. 17. *Lingent puluerem sicut serpentes, velut reptilia perturbabuntur de adibus suis.* Sextò si animalia comedunt, lingunt, & maxime corda. Hinc Baruch 6. 19. *Corda eorū dicunt lingere serpentes, qui de terra sunt dū comedunt eos.* Septimò loca immūda & putrida & vmbrosa quærunt & eligunt, vt diximus superius de porcis. Octauò mordet in silentio, vt detractores faciunt, Eccles. 10. 11. *Si mordeat serpens in silentio, nihilo minus habet qui occultè detrahatur:* Sic ad publica
 Concilia

Concilia, vt diximus, vel non accedunt, vel si accedunt, mendacijs agunt, vt capite decimo diximus. Nonò est venenosum animal, volens nocere acuit linguam, & lingua eius nunquam quiescit propter vim veneni: sic Psal. 139. 4. falsi prophete acuerunt linguas suas sicut serpentes, venenum aspidum sub labijs eorum. Decimò cauda sua exerit venenum. Hinc Apocal. capite 9. 19. caudæ equorum à D. Iohanne visorum similes fuerunt serpentibus. Vide quæ de cauda Draconis capite vigesimo tertio, & quæ de cauda lupi capite vigesimo quarto diximus. Vndecimò iacta & deposita venena resumit, vt de cane cap. 23. & de porco superiùs hoc capite de eorum vomitu & luto tradidimus. Duodecimò sibilat antequam mordeat: specie enim simplici veniunt non minantes mortem, sed placetia, vt diximus, proponetes. Decimotertio furibundum est animal, & obturat aurem ne audiât incantatores. Hinc psal. 57. 5. *Furor illis secundum similitudinem serpentis: sicut aspidis surda, & venefici incantantis sapienter.* Si enim non incantant sapienter, habet locum illud Ecclesiast. cap. 12. v. 13. *Quis miserebitur incantatori à serpente percusso, & omnibus qui appropiant bestis?*

9.

10.

11.

12.

13.

Sic etiam de falsis nostris prophetis, qui legem Dei nec audiunt, nec seruant; vt proprio illorum scripto docuimus, rectè dici potest illud Prouer. 28. 9. *Qui declinat aures suas ne audiat legem, oratio eius erit execrabilis. Hodie ergò, vt cum Dauide psalm. 94. 8. & D. Paul. Heb. 3. 8. 15. & 4. 7. loquar, si vocem Dei audieritis, nolite obdurare corda vestra.* Decimoquartò mittuntur à Deo in pœnam peccatorum, ita Numer. 21. 6. Deut. 8. 15. & 32. 24. Iudith 8. 25. Eccl. 39. 36. Ier. 8. 17. Amos 9. 3. 1. Corinth. 10. 9.

14. Decimoquintò calliditatem miram habet decipiendi, quod in Diabolo manifestum est, qui nomen serpentis habet, Isai. 27. 1. Apocalypsis cap 12. 9. & 20. 2. Is enim per serpentem locutus Genes capite 3. vers. 4. *Dixit enim serpens ad mulierem: Nequaquàm morte moriemini. Scit enim Deus quòd in quocunq; die comederitis ex eo, aperientur oculi vestri: & eritis sicut Di sciens bonum & malum.* Vnde Eua v. 13. dicit. *Serpens decepit me, & comedi.* vt & D. Paulus 2. Corinth. cap. 11 3. Euam deceptam fuisse dicit. Verba autem Geneseos explicans D. Augustinus tom. 1. libro 2. de Genesi contra Manichæos ita hæreticis accomodat. *Et enim serpens ille, inquit, secundum propheta-*

tiam

riam, hereticorum venena significat, & ma-
 xime istorum Manicheorum, & quicumq; ve-
 teri testamento aduersantur. Non enim ali-
 quid manifestius prænunciatum arbitror, quã
 istos in illo serpente, vel potius illum in istis esse
 vitandum. Nulli enim loquacius atq; iactan-
 rius promittunt scientiam boni & mali: & in
 ipso homine tanquam in arbore, que plantata
 est in medio paradisi, eam dignoscantiam deo
 monstraturos se esse presumunt; & etiam illud
 quod dictum est; Eritis sicut Di, qui alij ma-
 gis dicunt quam isti qui per suam superbiam
 vanitatem, eandem superbiam suadere conan-
 tes, affirmant animã naturaliter hoc esse quod
 Deus est? Et ad quos magis pertinet apertio
 carnalium oculorum, quam ad istos qui relicta
 interiore sapientia luce, solem istum, qui per-
 tinet ad oculos corporis adorare compellunt? Omnes
 Et omnes quidem heretici generaliter scien- heretici
 tia pollicitatione decipiunt, & reprehendunt decipiunt
 eos quos simpliciter credentes inuenerunt; & scientia
 quia omnino carnalia persuadent, quasi ad pollicita-
 carnalium oculorum apertionem conantur tions.
 adducere, vt interior oculus excacetur. Sed
 istis etiam corpora sua displicent, non propter
 pœnalem mortalitatem, quam peccando me-
 ruimus: sed ita vt negent Deum esse corporum
 conditorem tanquam apertis oculis carneis

nuditas ista displiceat. Sed nihil vehemen-
 tius istos designat & notat, quam quod dicitur
 serpens, Non morte moriemini: sciebat enim
 Deus quoniam qua die ederitis, aperientur o-
 culi vestri. Sic enim isti credunt, quod ser-
 pens ille Christus fuerit, & Deum nescio quem
 gentis tenebrarum, sicuti affirmant, illud pra-
 ceptum dedisse confingunt, tanquam inuideret
 hominibus scientiam boni & mali. Ex ista
 opinione etiam nescio quos serpentinos natos
 esse arbitror, qui serpentem pro Christo colere
 dicuntur, nec attendunt Apostolum qui ait,
 Metuo, ne sicut serpens Etiam seduxit astutia
 sua, sic & sensus vestri corrumpantur. Hos er-
 go per istam prophetiam praefiguratos esse exi-
 stimo. Seducitur autem verbis huius serpen-
 tis carnalis nostra concupiscentia & per illam
 decipitur Adam, non Christus, sed Christia-
 nus: qui si praecipuum Dei seruare vellet, &
 ex fide perseueranter viveret, non veniret in
 illam deformitatem, ut cum sibi displiceret
 caro quasi nuditas sua, carnalia magis regu-
 menta mendaciorum, tanquam folia ficu collig-
 eret, quibus sibi faceret succinctorium. Hoc
 enim isti faciunt, cum de Christo mentiuntur,
 & ipsum mentitum esse predicant: & tanquam
 abscondunt se a facie Dei ad sua mendacia ab-
 illius veritate conuersi, sicut Apostolus dicit,
 Es

Et à veritate quidem auditum auertent, ad
 fabulas autem conuertentur. Et ille quidem
 serpens, id est, ille error hæreticorum, qui ten-
 tat Ecclesiam, contra quem clamat Aposto-
 lus cum dicit: Metuo ne sicut serpens Euam
 seduxit ostutia sua: sic & sensus vestri corrū-
 pantur. Ille ergo error pectore & ventre ser-
 pit & terram manducat, non enim decipit,
 nisi aut superbos, qui sibi arrogantes quod non
 sunt, citò credunt, quod summi Dei & anima
 humana una eademq; natura sit: aut deside-
 riy carnalibus implicatos, qui libenter audiū
 quòd quicquid lasciuie faciunt, non ipsi faciunt,
 sed gens tenebrarum: aut curiosos, qui terrena
 sapiunt, & spiritualia terreno oculo inquirunt.
 Haftenus D. August. que & nostri tempo-
 ris pseudopropheta sibi dicta existiment.
 Interim manet in Ecclesia nostra potestas
 illi data à Christo Marci c. 16. 19. tollendi
 huiusmodi: manet potestas calcandi super
 omnem potestatem inimici Luc. c. 10. 19.
 manet certum antidotum contra venena
 serpentis salua ieiunantium, & oratione
 & ieiunio genus hoc demoniorum Matth.
 cap. 17. 21. eijcientium.

Quintū est, quòd scorpionibus sint simi-
 les. Habent enim falsi propheta potestatem
 vt scorpiones terræ, vt dicitur Apoc. 9. 4.

Quos ma-
 xime de-
 cipiat D^s
 abolus.

5. scorpia
 onibus sic
 miles.

Et 4

Et

Et præceptum est illis ne laderent fœnum terra, neq; omne viride, neq; omnem arborem; nisi tantum homines, qui non habent signum Dei in frontibus suis, & datum est illis ne occiderent eos: sed ut cruciarentur mensibus quinque, & cruciatus eorum ut cruciatus scorpionum percutit hominem. Similia vers. 9. Sic vulnera sæua infligunt falsi prophetæ, & venenata, qualia venenatis sagittis infligi solent, ac moribus serpentum. Nam scorpio cauda latenter ferit, ut diximus cap. 5. fol. 37. Simile est Ier. 8. Ecce ego mittam vobis serpentes regulos, quibus non est incantatio, & mordebunt vos, ait Dominus.

6. Vulpibus similes.

Sextò sunt similes vulpibus in deserto. De his diximus capite 1. fol. 10. Et hæc de animalibus, quibus sunt similes falsi prophetæ breuiter dicta sufficiant. Nunc quomodo cognoscendi, & puniendi, videamus.

* *
*



CAPVT